

Es ist auch dis Kindt vnuerschampt/
Bruntz öffentlich/ gar vngesampt/
Lest alles sehen/ von jederman/
Was die Natur wil zugdeckt han/
Kan also nicht sein eigen schandt/
Verholen halten vnbestandt/
Sein schandt mus wissen jederman/
Sehn vnd hören/ was er gethan/
Wird öffentlich zu einem Lawr/
Das wiss dauon ein jeder Bawr/
Wie er so sey ein vnflut gar/
Wird dann zu schanden offenbar.

Dis Kindt netzt auch ein grossen pfid/
Wie einer thut/ der stets ist vul/
Denn dis Kindt schewet sich mit nicht/
Für jemandr/ oder sich entsicht/
Da ist kein Ehr/ kein Redtlichkeit/
Sondern schamlos wesen vnd entweichet.

Steht auff dem Sarcf/ den nicht lang leuse
Ein Trunckenboltz/ der sich verseufft/
Ter Todt der ist ihm nahendt zwar/
Vnd nimpt sein eigentliche n war/
Denn Trunckenheit viel Franckheit gbirt/
Vnd des Menschen Leib gar verirt/
Bis sie ihn bringe in das grab/
Dafür denn Trunckenheit danck hab.

Das schwerst abr helt noch für der thür/
Das der leidig Teuffel vngewehr/
Die Trunckenheit gefangen helt/
An einer Ketten/ wie ich meldt/
Hat sie in strick vnd bandt gefast/
Das sie hernachen bleibt sein gast/
Vnd ewig mit ihm in der hell/
Sein gferre sey vnd guter gsell/

Dem